

Gatazkari buruzko webgune berezia EGUNKARIAren eskutik

BILDUMA BEREZIA. 1998ko irailaz geroztik euskal gatazkarekin lotutako agiriak, azken berriak, kronologia eta EGUNKARIAN argitaratutako elkarizketa, analisi eta iritziak eskainiko ditu jada sarean den webgune bereziak.

Erredakzioa | DONOSTIA

Web orrialdearen berritze eta osatzearekin batera, euskal gatazka politikoari buruzko webgune berezi bat sortu du EGUNKARIAK. Internet sarearen erabiltzaile guztien esku dago atzotik www.egunkaria.com/gatazka/ helbidean. Euskal gatazkarekin lotutako edukiaz osaturik, egunez egun gaurkotuz joango den datu bilduma da aipatu gunea. Bildumaren abiapuntua 1998ko irailean jarrita dago, beraz, dagoeneko azken bi urte luze hauetan gertatutakoari buruzko informazio zabal bilduta dago webgune berezi honetan. Euskal gatazka politikoari buruzko gune honen atal nagusiak honakoak dira: azken berriak, kronologia, agiriak, analisiak/iritziak eta elkarizketak.

Paperaren mugak gaindituz informazio zabal eta ordenatua izango du eskura internautak, euskal gatazkaren bilakaera jarraitzeko, gertakari baten berri zehatza bilatzeko edo edozein agiri kontsultatzeko. Halaber, kronologia ataleko albiste bakoitzak gaian sakontzeko aukera eskainiko du, EGUNKARIAREN hemeroteka digitalarekin lotura zuzena egiteko aukera ematen baitute. Kronologiaren berri baten gainean klik eginez, EGUNKARIAK argitaratutako albiste osoa eskuratuko da instant batean.

Agirien bilduma ahalik eta osatuena da, edozein eragile politiko, sozial edo sindikalak 1998ko irailaz geroztik argitaratutako agiriak jasotzen ditu eta beste atal guztiak bezala egunez egun gaurkotuz joango da. Diseinu sinple, orekatu eta ordenatua da, edukietan zehar nabigatzeko errazteko asmoz.

Edukien aukeraketa irizpide irekiekin egin da, gatazkaren alde guztiak islatzeko asmoz. Adibidez, ETaren jarduerak, zein Jose Maria Aznar, Lionel Jospin, Juan Jose Ibarretxe edo Miguel Sanz lehendakariena, edo Udalbiltzaren jarraitzeko modua eskaintzen du webguneak.

Zerbitzu berri hau eskura jaritzeko lanetan, Kepa Sarasolak eta Simon Peñak (diseinu eta garapen informatikoan), Axun

www.egunkaria.com/gatazka/

AZALA. Webgunearen azaletik ikono jostalari batzuen bidez sartzen da bildumaren bost ataletan. Horrez gain, eskuinaldean gatazkari lotutako azken albiste garrantzitsuenen titularrak agertuko dira eta bertan klik eginez azken berriak irakurri ahal dira.

AZKEN BERRIAK. Atal honetan azken gertaerak bilduko dira. Azalean hiru titular agertuko badi- ere, atal honetan azken astean gertatutako albisteak eskainiko dira. Denbora aurrera joan ahala, sekzio honetako berriak Kronologia izenburuko atalera pasatuko dira.

KRONOLOGIA. 1998ko irailaren 12tik aurrera euskal gatazkarekin lotutako gertakariak laburbiltzen ditu. Hilabetez hilabete antolatuta dago. Albiste bakoitza sakontzeko aukera ematen du EGUNKARIAREN hemerotekarekin lotura zuzena eginez.

AGIRIAK. 1998ko irailaz geroztik euskal gatazkarekin lotutako eragile politiko, sozial eta sindikalek argitaratutako agiriak biltzen dira. Bilaketa errazteko, bi eratara daude sailkatuta: kronologikoki eta egilearen arabera. Ahalik eta bilduma osatuena izateko asmoz sortua.

ELKARRIZKETAK. EGUNKARIAN 1998ko irailaz geroztik argitaratutako elkarizketa politikoaren antologia da. Alfabetikoki zein kronologikoki kontsulta daitezke. Gainontzeko atalak bezalaxe, hau ere berriak argitaratu ahal gaurkotuz joango da.

ANALISIAK. Gatazkarekin lotutako gertakariak ulertzen laguntzeko asmoz EGUNKARIAN argitaratutako hainbat analisi politiko eta iritzi artikulua biltzen dira. Halaber, hizpideak, eta *Balkoia* sekzioan idatziriko lan hautatu batzuk eskaintzen dira.

Erzibengoak (dokumentazio alorrean) eta Pello Urzelaik (edukien aukeraketa eta antolaketan) parte hartu dute.

Sortu berri den webgune hori

hobetzea izango da aurrera begirako erronka EGUNKARIARENTzat. Egun webguneak biltzen dituen atalak garatzeko zeregin aurreikusten da batetik. Eus-

kal gatazka politikoari lotutako atal berriak sortzea litzateke beste helburuetako bat, egun aurki daitekeen informazio bilduma osatuagoa izan dadin.

AB

ETAren kontrako Baionako elkarretaratzea bozei begirakoa izan zela dio ABk

Erredakzioa | BAIONA

Joan den larunbatean Baionan EAJk eta EAk deiturik *ETA ez, bakea bai* lelopean egin zen elkarretaratzea «herri eta kantonamenduko hauteskunde bezperan, bortizkeri egoera hauteskunderako estakuru gisa erabiltzeko» egin izan zela leporatu die ABk, ekitaldian izan zirenei.

«Iparraldeko herritarrek ongi egin dute elkarretaratze gonbitari ez erantzunda, ehun pertsona baino gutxiago bildu baitzen bertan» ohararazi du. «Ez da sua gehiago piztuz bakearen bidea lagunduko» gaineratu du ABk.

«Harridura» agertu da EAJtik RPRrat, alderdi sozialista eta eskuin muturreko MNR alderdiko kideak batuz ikusirik. «Harrituak gara Hegoaldean bizi den egoera hurnat ekarria izan dadin. EAJ inozoa da joko horretan sartuta, ez baita bortizkeriaren kontrako dinamika sortzea, abertzaleen aurkako dinamika baizik» erantsi dute.

ABk «aterabide bat atzemateko edozeinekin lan eta gogoeta egiteko prest» dagoela esan du, «eskuin muturrekoekin salbu».

EAJren gogoeta

EAJk, aldiz, larunbateko ekitaldiaren ondoren Max Brisson RPRko ordezkariak zein Jean Espilondo alderdi sozialistako kideak EA eta EAJri egin kritikak eta Aski da! mugimenduekin bat egiteko deialdiari erantzun diote. «Ez gara bakera helduko Hego Euskal Herrian dagoen zatiketa errepikatuz; euskal alderdiak batetik eta espainolak bestetik. Aski da! mugimendua PPren eta PSOEn alderdikeri eta tresna gisa ageri da» azaldu du EAJk. «Euskal Herriko gatazka politikoaren aterabidea atzemateko, gutxienez denen arteko elkarriketaz eta Euskal Herria subjektu politiko bat dela onartuz soilik» erdietsiko dela azpimarratu du alderdi jeltzaleak.